

Fijian - Vakabulai Vola Tabu - Salvation Scriptures

Efeso 2:2 Dou a dau bula tu ena i valavala vakavuravura e liu, ena nona kaukauwa na turaga ni maliwa lala, na yalona sa cakacaka tiko ena loma ni tamata me talaidredre kina,

Maciu 6:10 Sa lako mai na Nomuni Matanitu. Me yaco na Nomuni Lewa e vuravura me vaka sa yaco tiko mai Lomalagi.

Luke 22:42 Ka tukuna, "tamaqu, kevaka sa Nomuni lewa oqo, ni kauta tani vei Au na bilo oqo; ia me kakua ni Noqu lewa, na Nomuni lewa ga me vakayacori."

Joni 16:7-9 "Au sa tukuna vei kemudou na veika e dina. Oqo ga na nomudou vinaka, o ya na noqu lako yani; kevaka Au na sega ni lako yani, na Dauniveivuke ena sega ni lako mai vei kemudou; ia, kevaka Au sa lako, Au na talai Koya mai vei kemudou. 8 "Ni sa lako mai o Koya, ena mai dusimaka ki vuravura na i valavala ca, na i valavala dodonu kei na lewa dodonu, 9 "na i valavala ca baleta ni ra sega ni vakabauti Au;

2 Timoci 2:10 O koya oqo au na vosota kina na ca kecega ena vukudra na digitaki, me rawa kina ni ra vakabulai ka rawata na bula Sega ni mudu ena vuku i Karisito Jisu.

Roma 15:20,21 Au sa mai rawata kina na ka au sa nakita oti mai lomaqu, o ya me'u vunautaka nai tukutuku vinaka, ka sega ni o ira sa kilai Jisu tu, de'u la'ki teivaka kina e dua na sore ni kau sa teivaki oti tu mai kea. 21 Ia me vaka sa volai: "O ira se bera ni tukuni vakadua vei ira era na raici Koya; kei ira se bera ni rogoci Koya era na kilai Koya."

Cakacaka 2:36,37 "O koya oqo, me kila sara kina na mataqali taucoko e Isireli, o Jisu oqo, o koya dou a vakota kina kauveilatai, sa lesia na Kalou me Turaga ka Karisito talega." 37 Ni ra sa rogoca oqo, sa lausua na yalodra, era sa tukuna vei Pita kei ira na vo ni apositolo, "Isa kemudou na veiwekani, a cava me Keimami na kitaka?"

Iperiu 4:2 Ni sa vunautaki ki vei keda na kosipeli, sa vaka talega kina ki vei ira; ia na vosa era rogoca sa sega ni yaga vei ira, ni ra sa sega ni rogoca na vakabauta.

Jeremaia 24:7 'Au na solia vei ira na yalo me ra kilai Au kina, ni sai Au o Jiova; ia era na yaco me ra Noqu tamata, Ka'u na yaco Me'u nodra Kalou, ni ra na lesu mai vei Au e na lomadra dina.

Cakacaka 16:14 E dua vei ira na yalewa sa rogoci keitou o Litia. A yalewa ni Ceataira ka dau volitaki sulu lokaloka, sa qarava makawa tiko mai o koya na Kalou. Sa dolava na Kalou na yalona me tugana kece kina o

koya na vosa i Paula.

Maciu 13:14,15 Na parofisai i Aisea sa vakataucokotaki ni tukuna tiko me baleti ira oqo, ka vaka: 'Dou na daurogoca tikoga ka sega ni bau vakasamataka. Dou na dau raica tikoga ka sega ga ni kunea; 15 Na yalodra na tamata oqo sa rui tasogo, me ra sega ni rogoca rawa kina, sa buwawa talega kina na matadra, de dua na siga ena rai na matadra, ka rogo na daligadra, me ra na qai kila kina ka saumaki mai, Au na vakabulai ira kina.'

Aisea 6:9,10 Sa qai tukuna mai, "Lako, ka tukuna vei ira na tamata oqo: 'Dou sa daurogoca tikoga, ka sega ni bau kila; dou sa दौराica tikoga ka sega ni kunea.' 10 "Mo vaqataka na yalodra na tamata oqo, kei na daligadra me bibi ni rogoca, ka sogota na matadra, de qai rai na matadra, ka rogo mai na daligadra, ka kila mai na yalodra, ka vuki mai me ra sa vakabulai."

Marika 4:11,12 A sa tukuna vei ira o koya, "sa soli vei kemudou mo dou kila na ka vuni ni matanitu ni Kalou; ia vei ira mai taudaku, ena tukuni na ka kecega ena vosa vakatautauvata, 12 "E dina 'Ni ra raica tiko ka era sega ga ni kila, Era na rogoca ka sega ni taura rawa; Ka ra sega ni bau via veisau, Me vosoti kina na nodra i valavala ca."

Joni 12:39,40 Era sa sega kina ni vakabauta tale ni sa tukuna o Aisea: 40 "Sa vakamatabokotaki ira ka vakaukauwataka na yalodra, de na qai rai na matadra ka kila mai ena yalodra ka lesu mai vei Au Ka Me'u na vakabulai ira kina."

Roma 11:7,8 Sa qai vaka oqo? Sa qai sega ni rawa me taura o ira na Isireli na ka era sasagataka tiko mai; Ia sa mai nodra na digitaki, e so vei ira se dredre tikoga me raica na dina oqo. 8 Me vaka na ka sa volai: "Na Kalou sa solia vei ira na yalo ni moce, kei na mata me kua ni raica rawa kei na daliga me kua ni rogoca rawa, me yacova mai na siga ni kua."

2 Cesalonaika 2:10,11 Era na rusa o ira kecega sa vakacalai ka sega ni yalododonu – ni ra sa sega ni lomana na dina me ra bula kina. 11 Oqo na vuna sa tala kina vei ira na Kalou na veika mana vakailasu – me ra vakabauta kina na ka e sega ni dina.

Maciu 13:18-23 "O koya oqo mo dou rogoca mada na vosavakatautauvata ni daukakaburaki: 19 Ni dua e rogoca na vosa ni matanitu ka qai sega tu ni kila. Ena lako mai na vu-ni-ca ka taura tani na ka sa kaburaki oti tu e lomana, oqo o koya sa kaburaki ena tutu ni sala. 20 "Ia o koya sa kaburaki ena vanua veivatu, sai koya oqo sa rogoca na vosa ka vakasauri ga sa tuburi koya na marau ni sa ciqoma na vosa; 21 "E sega sara tu ga na wakana, ia e vakalailai walega na nona vosota tiko. Ena gauna me tubu mai kina na veikararawa kei na veivakacacani baleta na

vosa ni Kalou, e vakasauri sa bale sobu tale. 22 O koya sa kaburaki ena vanua ni veiwavakavotona sa rogoca na vosa, na ogaoga vakavuravura kei na kena i yau sa dauveivakaisini sa dredre kina vua me vuavuai, baleta ni sa solegi koya tu na veiwavakavotona. 23 "Ia o koya sa kaburaki ena qele bulabula vinaka, sai koya sa rogoca na vosa ka kila deivaki sara, a sa yaco kina me vuavuai, ka vua i drau eso, sa vua i onosagavulu eso, ka tolusagavulu eso."

2 Koronica 3:15,16 Me yacova mai na siga oqo ni wiliki nai tukutuku kei Mosese, e tu nai ubi e yalodra. 16 Ia kevaka e dua me sa veisau vua na Turaga, ena kautani vua nai ubi o ya.

Aisea 30:28 Na Nona i cegu sa vaka na uciwai sa vuabale ka lako cake me yaco ki domodra, me tavulona na vei matanitu ena vulo lasu; ena dua na i tacori ena gusudra, me ra vakacalai kina.

Osea 11:3-7 "Au vakavulica vei Ifereimi me lako, ka tubera tiko na ligana; ia era sega tikoga ni kila ni'u a vakabulai ira. 4 Au viritaka vei ira na dali e malumu, mera vesuki ena loloma, ka'u kauta tani mai domodra nai vua, kei na noqu dau sotava nodra via kana. 5 "Ena sega ni ra lesuvi Ijipita tale; ia o Asiria ga ena nona Tui, ni ra sega ni via veivutuni. 6 Ena vakayaco ka nai seleiwau ena nona veikoro lelevu, vakacacana na nona veiyasana, ka vakamai ira ena vuku ni nodra lewa. 7 Na noqu tamata era sa guta tikoga mera vuki tani vei Au. E dina ni ra masuti koya tiko sa cecere sara, ka sega ni bau dua me vakacerecerei koya.

Cakacaka 26:18 Mo dolava na matadra me rawa ni ra lako tani mai ena i vesu kaukauwa ni butobuto o Setani, ka lako vua na Kalou na vuni rarama, me bokoci kina na nodra i valavala ca ka vakaivotavota vata kei ira sa yalosavasava ena nodra vakabauti Au (Jisu).

2 Timoci 2:24-26 Nai talatala ni Turaga e sega ni dodonu me dau vakavu veisei, ia me tamata yalo vinaka vei ira taucoko na tamata, me dau vakavuvuli vakavuku ka yalomalua. 25 Me ra vakavulici o ira na dauveisaqasaqa ena yalo e malumalumu, me rawa ni na tara kina na Kalou na nodra loma kaukauwa ka veivutuni sara, ka kila na dina. 26 Sa na qai ra kilai yalodra ka raica ni ra coriti tu ena nona tudai qaseqase na tevoro, ena nodra a vakabobulataki tu vua mera talairawarawa tiko ena nona lewa.

Vakatakila 3:17-19 "Baleta ena nomu dau tukuna, 'oi au sa vutuniyau, sa ka vakaitamera sara na noqu i yau, cava tale me'u leqataka – o qai sega tiko ni kila ni o sa biu tani tu, ka bula tu vakaloloma, o dravudravua, na matamu sa boko tu, ka sega mada ga ni dua nai sulu me tu e toloomu – 18 "Au sa vakaraitaka oti vei iko mo mai volia vei Au na koula sa vakatovolei oti ena bukawaqa, mo vutuniyau kina; mo rawa ni tokara

kina nai sulu vulavula sara, me tabonaka nomu luvaiwale mai vei ira na tamata; na matamu talega mo lumuta ena i lumu ni mata, me rawa ni o rai rawa. 19 "Oi ira kecega Au sa lomana, Au vunauca ka kana kuitataka, o koya oqo mo dikevi iko ka veivutuni.

2 Koronica 7:10 Na rarawa e vaKalou ena basika ga kina na veivutuni, me rawati kina na bula, na ka oqo me kakua ni qai veivutunitaki tale; baleta na rarawa e solia o vuravura sa yaco ga kina na mate.

1 Tui 18:37 "Mo ni rogoci au, i Jiova, mo ni rogoca, me ra kila kina na vei tamata oqo ni sai Kemuni o Jiova na Kalou, ni Kemuni sa veisautaka tale na yalodra vei Kemuni."

2 Koronica 4:4 Ni sa vakabutobutotaka na nodra vakasama na veika ni vuravura oqo, me dredre kina ni ra raica na rarama ni kosipeli sa serauni tu i Karisito, ni sai koya nai yaloyalo ni Kalou, me vakararamataka na yalodra.

Luke 8:11-15 "Oqo nai balebale ni vosa vakatautauvata: na i tei sai koya na vosa ni Kalou. 12 Nai tei e lutu ena yasa ni sala oqori o ira sa rogoca; sa qai lako mai na tevero ka kauta tani mai na vosa ni Kalou e yalodra, de ra qai vakabauta ka vakabulai kina. 13 "Ia vei ira Na lutu ena vatu o ira sa rogoca na vosa sa dua na ka na nodra tavarekireki; e sega sara tuga na wakadra, e vakalalai walega na nodra dei tiko ni ra sa temaki ga era sa bale tale. 14 O ira na lutu ena loma ni veiwavakavotona sai ira era sa rogoca, ni ra sa lako yani sa salavi ira mai na ogaoga vakavuravura, na i yau, na veilasa ni bula vakayago, ka sega ni dua na vua ni matua ni bula me laurai mai. 15 "Ia o ira na lutu kina qele vinaka, sa i ira era rogoca na vosa ka tugana sara ena yalo e malumu ka lokumi, ka ra sa kukuva matua sara, ka sa sega kina ni cegu na nodra sa vuavuai tikoga.

Cakacaka 15:11 Dou sega beka ni vakadinata, ni oi keda kece eda vakabulai ena sala vata ga era vakabulai kina, ena noda vakabauta na Turaga o Jisu Karisito.

Roma 8:13 Kevaka mo dou na bulataka tiko nai tovo vakayago dou na mate, ia kevaka me kaukauwa vei kemudou na Yalo Tabu mo dou na vakamatea kina nai tovo vakayago, dou na bula.

Pastor T. John Franklin
Church of Salvation, Healing, and Deliverance
COS-HAD.org